

天 曦 法 師 述
天 曦 佛 化 答 問

佛 學 小 叢 書

上 海 佛 學 書 局 印 行

小佛叢書

天曦佛化答問

客曰嘗聞佛能普化。未審化何等類。以何等法。能普化耶。

答曰遠化四聖。近化六凡。是其類也。所謂法者。卽彼衆生本具之法。良由衆生固執。故諍競不已。諸佛融化。故無適無莫。更無別法也。四聖者何。謂佛。此云覺者菩薩。此云覺有情緣覺。覺了生死從因緣有聲聞道。聞聲悟名是也。六凡者何。謂人。三才之一者也天。三界之天脩羅。此云無天地獄。受極苦鬼鬼神。禽獸魚虫是也通而言之。名十法界。以其各有各法。各有各界故也。每一界中。復有多種。種類雖多。一一無非妄想構結。因

緣假合。但有名相。無真實性。故經云。凡所有相。皆是虛妄。人能如理深究。無量結業。如湯消雪。以故先須佛化。繼由自化。

問十界異處。佛宗何法。而能融通攝化耶。答佛以心爲宗。

融通攝化。皆憑於心。經云。凡有心者。皆能作佛。能作衆生。中間悉

由迷悟差別。迷則背真向妄。悟則返妄歸真。迷爲六凡。悟爲四聖。正向妄時。

不覺是妄。如夢中人。正夢之時。不覺是夢。迷者亦爾。外計四大爲

自身相。地水火風。名爲四大。六塵緣影爲自心相。色聲香味觸。法名爲六塵。於此身心。計

我。我所。由此滋生斷常二見。計斷見者。謂人死神滅。不信因果報

應。及鬼神等事。以故作惡。而無忌憚。如是惡見。不化可乎。計常見

者謂神不滅。深信因果。樂善好施。希望福報。堅固執著。斯亦有過。
問斷見作惡。理合剪除。常見爲善。過從何有耶。答恃福障
道。乃爲魔事。何哉。苦心經營。方得福報。得已增長。深重愛欲。抱石
沉淵。未足爲喻。始終不知。福爲禍本。樂爲苦源。萬有爭端。資始乎
此。故云魔事也。道德經云。人皆知善之爲善。斯不善矣。苟非大聖。
孰得而知。况復能化佛魔之道。斯可見矣。

問修道之士。不爲善耶。答修道要斷一切惡。修一切善。饒
益一切衆生。其所以異於魔事者。謂實際理地。不受一塵。佛事門
中。不捨一法。不受一塵。善自利者。不爲善累不捨一法。善利他者。和光攝俗

不著我人衆生壽命。是法非法等者。道德也。佛意化人貪染習氣。妄想執著。非不教人爲善受福也。

問善惡之相。其事云何。答事相無量。總論有十一殺打二

偷盜。三邪淫。四綺言。五妄語。六惡口。七兩舌。八貪欲。九瞋恚。十愚

癡邪見。是爲十惡。反此十惡。卽名十善。造十惡因者。感受三惡道

報。地獄餓鬼畜生名三惡道。造十善因者。感受三善道報。人天修羅名三善道。業繫受生。

毫髮不爽。略而言之。造上品十惡者。猛勇心造惡始終不悔名上品。感地獄報。略

三級罪輕。應墮孤獨地獄。罪重。應墮八寒八熱根本地獄。罪極重者。

應墮十方阿鼻地獄。阿鼻此云無遮。又云無救。謂此罪惡雖多劫受苦於中無遮無救。故造中品十

惡者。此人造惡之後稍感受鬼趣報。此有三品其罪重者墮無財

鬼。多劫受罪不得一炬口鬼。飢腹焦火二針咽鬼。咽細若針三嗅

口鬼。口中腐嗅皆餓鬼也。其罪稍輕者墮少財鬼。多劫受苦唯得

故名一針毛鬼。毛利如針行便自刺二嗅毛鬼。其毛極嗅自拔出

三大癭鬼。項垂大癭亦餓鬼也。罪更輕者名多財鬼。亦有一得棄

鬼。常得祭祀二得失鬼。常得巷陌三勢力鬼。如夜叉羅刹五嶽四

端有大勢造下品十惡者感畜生報。約分三種。娟飛蠕動細微昆虫等。

爲下品畜。犬馬牛羊等爲中品畜。龍鳳麒麟等皆上品畜也。鬼畜

福報勝者造下品十善者感生人道。如天地間貧富壽夭貴賤賢

造中品十善者。感生修羅。此云無天。謂彼有天之德。故名無天。此有四種。一鬼

脩羅。住大。海邊。二畜脩羅。居大。海底。三人脩羅。即人間傲慢自。四大脩羅。與

諸天。淨。權者是。造上品十善者。感生天道。有三界。二十。一欲界天。二色界

天。三無色界天。言欲界者。謂此等衆生。要因諸欲。而正性命。但有

中上下之別。人及脩羅。並三惡道。名爲下界。六欲諸天。爲上界。下界

五欲。上界。三欲。言諸欲者。一欲財物。二欲好色。三欲名譽。四欲飲食。五欲

睡眠。具此五欲。墮在下界。五欲。充足者。爲富貴。不充足者。爲貧賤。不欲財物。及名譽

者。升往上界。亦有六級。初級名四王天。與日月星。三光天子。其位

平等。東方持國天王。南方增長天王。西方廣目天王。北方多聞天王。各統二種鬼兵。保護人間國土。二級忉利天。

此云三十三即三十三天也。

居須彌山頂。此山四寶所成高八萬四千由旬半在水裏半出水面上下寬廣中間腰

細

頂上平正。中有天宮。玉帝所居。四方各有八大天宮。羣臣所居。

君臣合稱。故號三十三天也。宮殿樓閣。無量樂境。皆悉隨念而成。

自然而至。以其因有天然之德。故得享此天然之福耳。三級名夜

摩天。

此云時分

四級名兜率天。

此云知足

五級名化樂天。

常自變化悅心目故

六級他

化自在天。

令他變化悅自心故

亦名六欲頂天。即魔王也。

樂盡仍墮下界受苦故名魔王

第二色界。此界諸天。但有形色。故名色界也。

此等不須五欲用禪定保身命

有四禪

一十八天之別。初禪三天。一梵衆天。天之民也。二梵輔天。天之臣

也。三大梵天。天之王也。二禪三天。一少光天。天之民也。二無量光

天。天之臣也。三光音天。天之王也。三禪三天。一少淨天。天之民也。
二無量淨天。天之臣也。三徧淨天。天之王也。四禪九天。一無雲天。
二福生天。三廣果天。此三種天習凡夫禪感生此處四無想天。習外道禪以無想為涅槃感生此也
五無煩天。六無熱天。七善見天。八善現天。九色究竟天。亦名色界
頂天。三果聖人所居之處也。第三無色界。色界頂天厭離色籠修捨色緣空觀超登此界
亦有四級。一空無邊處天。空定既成如鳥出籠故得生此二識無邊處天。緣習捨定
感生此處三無所有處天。習空識俱捨定四非想非非想處天。粗想已滅細想
猶存感生此處亦名三界頂天。三界福樂此為極頂以未明道故。報盡還墮下界受
苦。未明道者即外道也倘依四諦。知苦斷集。慕滅修道者。初果斷見惑。二果

斷思惑三品。三果斷思惑六品。欲界六品思此惑共有八十一品。次第至非非想處斷八十品。進習滅受想定。再斷一品。卽出三界矣。

問無色界天。旣出色籠。何故不能了脫生死耶。答我見不空故。

問長生丹道。天主回回等教。佛化不及耶。答彼等攝在人天鬼畜之類矣。

問天龍神仙。俱有道德神通。自利利他。均有餘力。何須佛化耶。答論其功行福德。當然勝人百倍。若謂因果本末。生死根源。一總未了。福盡還墜。必使深明四諦。染淨因果。預入道流。不復退。

墮。方不負彼。多劫功行。否則自誤誤人。深可憐愍。故須佛化。

問衆生日用。頭頭是道。儒云道也者。不可須臾離也。庶民日用而不知。不足可疑。天仙聖人。猶云未了。吾固疑焉。請重開示。解我蒙昧。

答若據品類而言。六道輪轉。均屬未悟。既其未悟。而欲創教爲人模範者。皆過來人也。在儒謂之和光同塵。在佛謂是大權示現。隨衆生心。應機設化。經云雖說種種道。其實爲一乘。一佛乘也

又云。先以欲垢牽。後令入佛智。君於一往所談。大須看得活動。勿狐疑也。若就正理而論。自性真如。無妄曰真。不易曰如。本無生死。無形命。無小大。無去來。無方所。無成壞。雖云都無。真如常存。爲諸佛之本源。

衆生之佛性。不因迷眞。終不起妄。不因起妄。終不造業。不因造業。終不受報。不因受報。衆生世界。畢竟不有。本不有故。乃名無極。衆生世界。號爲有極。無極是本。有極是末。君須諦觀。六道衆生。是否迷本逐末。本無苦樂。亦無受者。妄作妄受。冤哉冤哉。諸佛設化。是否令其清淨解脫耶。又則苟無無極。焉有有極。設非有極。不顯無極。譬如夢事。苟無夢心。焉有夢境。設非夢境。不顯夢心。夢境似有而非有。衆生世界。似有非有。夢心似無而非無。心本無。有既非有。故不應取。無既非無。故不應捨。取不應取。取之無益。於道無益。捨不應捨。捨之有損。於道德有損。諸佛了知心外無境。境卽衆生世界也。境外無心。因取捨情空。湛然常若。故能上化四

聖。下化六凡也。

客曰承蒙開示。了然冰釋矣。奈何只能遠益後世。不能近濟家國。家國未寧。孰堪修學。佛法不能通行於世者。多因此耳。答。苟能深信。因緣果報。如影隨形者。人人悉能自治。治心不敢妄舉。治口不敢妄言。治身不敢妄作。只斯三者。卽能息患難於剎那。定天下於食頃。六道衆生。共享自由。孰謂不能濟近世哉。又則佛謂衆生。皆具佛性。此教知物之本也。又云。於輪迴中。展轉曾作。五倫眷屬。此教知物之末也。斯皆圓融至極之談。人竟忽而不經。置而不問。欲以井蛙之見。誹謗諸佛。良可慨焉。倘據軍學之見。必謂非

殺不能以定天下。據政學之見。必謂非賞罰不能以定天下。非不
然也。但不能使人人爲軍。軍多人人當殺。軍與軍門互欲殺絕人人爲政。不得
爭者必人人當罰。訟必求勝據聖人之見。必謂非道德不能以定天
下也。三家用意雖別無非欲定天下由其同是聖人所設然斯三者。無非大聖爲人而設。但
其用有分別。何哉。良由兵刑皆不祥之器。至不得已而用之。只宜
不宜常用道爲常德。必常備常用。中庸曰道也者不可須臾離也不用則人必變。可離
也變則亂。斯用兵刑之時也。亂至不已是時也。雖不得不用。道德
之學。不可不備。不用尙屬不可不備更爲不可否則將何以定天下人心耶。於戲。
今道德之學微矣。幸經存焉。使人人得以讀誦講求。大夢場裏。或

可提醒一二三子。尊客以謂何如哉。良由去聖時遙。人逐物遷。生奉佛。尙不免於謗佛之咎。指奉佛而不深究佛理者言之君出斯言。毋足怪也。當知佛化周密。法界爲家。我人一體。不捨一法。豈遺一物。秉四宏誓。行六度行。縱致委棄身命。喜而不怒。殺身成德。故喜而不怒。反是可知矣故知佛教治心。益大而理密。世法治身。益小而事顯。顯則易見。故信用者多。密則難測。故信用者寡。例如世法殺一賊。而見者便知其情。佛教殺自心之賊。雖人衆同處而不覺。世法殺賊。賊心未必致死。佛教殺賊。賊心畢竟不生。教謂阿羅漢者。名爲殺賊。亦名無生。卽此義也。

問佛化既妙。何必教人出家。頓蠲倫常。全棄忠孝。與吾儒何

悖之甚也。

答佛意圓成一切衆生故。當知出家。乃是圓聚倫常。

完備忠孝。

佛教觀一切衆生皆是歷劫五倫眷屬以宏法度生爲家務常事豈非頓聚倫常完備忠孝耶

凡有

損於物者。戒令不作。凡有益於物者。戒令勤修。凡有悟於物者。戒令普化。斯則一忠一切忠。匪此無以盡忠心也。一孝一切孝。匪此無以全孝道也。圓滿平等。美滿至極。非捨俗出家。破除私欲。罕有及者。聞佛廣大精微之談。無偏無黨之教。非但不信。而且斥爲反常。貶爲異端。佛化由是危矣。

客曰。誠如師言。滅吾多生。謗法之咎。復正色問曰。出世之道。

可得聞乎。答道學理微。不易通俗。恐負美意。恕略言之。法華經云。諸佛如來。爲一大事因緣。出現於世。欲令衆生。開示悟入。佛之知見。故悟是開顯。示是示相。良由心佛衆生。三無差別。以諸如來。正徧知見。化除衆生。徧邪知見。知見一轉。卽是成佛。正因緣也。一切衆生。本具佛性。一正。因佛性。二緣。因佛性。三了。因佛性。當知開示二字。是佛教理。悟入二字。是修止觀。止觀而悟入。教理觀依。然則教有權實。權是權便。實是實理。非虛妄。故觀有頓漸。根利者頓。時悟入。根鈍者次第漸進。權實之義。有乎三轉。一爲實施權。實理難悟。故先施權。二開權顯實。實外無權。開卽理顯。三廢權立實。悟權卽實。故廢權耳。止觀頓漸。亦有三翻。一爲令諸衆生。轉凡成聖。故教修空觀。觀三界萬有皆空。顯